四庫全妻

史部

為納言神龍元年二月四日改為侍中開元元年十二 年十二月二十三日改為侍中光宅元年九月五日改 改為侍中龍朔二年四月四日改為東臺左相成亨元 欽定四庫全書 隋為納言武德元年因隋舊制不改至二年三月十日 唐會要卷五十一 侍中 唐重 宋 王溥 挼

钦定四軍全書

武徳元年為內史令三年改為中書令龍朔二年改為 為侍中舊是三品大歷二年十一月九日改為正二品 年二月二十日改為左相至徳二載十二月十五日改 西臺右相至咸亨年改為中書令開元元年為紫微令 與中書令同 月 五年為中書令天寶二年為右相至徳二年為中書令 中書令 改為黃門監五年九月六日改為侍中天寶二 一致定四庫全書 一 政事堂令在中書遂移在中書省至開元十一年張說 印至德二載三月宰相分直主政事執筆每一人知十 舊制宰相常為門下省議事謂之政事堂越後房本於 下事 皆知門至永淳二年七月中書令裴炎以中書執事其 武德元年六月裴寂除尚書左僕射知政事 奏改政事為中書門下其政事印亦改為中書門下之 日至貞元十年五月八日又分每日一人執筆 名稱 医鱼虫

恭議政事十月六日魏徵改特進知門下省事朝章國 貞觀元年九月御史大夫杜淹除恭議朝政三年二月 專典機客八年十一月記李晴加特進患若小瘳每三 中書令並平章國計七年十二月本文本兼中書侍郎 魏 與宰相私議朝政戴胄除民部尚書與左右僕射侍中 典恭議得失十三年十一月劉泊除黃門侍郎然知政 Ð 徵除秘書監私議朝政四年二月蕭瑀除御史大夫 兩日至門下中書平章政事九年十一月蕭瑀特進

年高士廉除開府儀同三司仍同中書門下平章政事 事十七年正月李勘除太子詹事同中書門下三品其 進止平章事初上欲用待舉等謂然知政事崔知温曰 待舉等歷任尚淺未可與卿等同名稱自是外司四品 年四月郭待舉等各守本官並加同中書門下同承受 門侍郎同中書門下平章事神龍元年六月尚書左僕 巴下知政事者以平章事為名稱十二月劉齊賢除黄 十二年正月崔仁師除中書侍郎祭知機務永淳元

A TED MANAGED IN

唐會要

第5四月月十二 幽求中書舍人系議機務 除尚書右僕射軍國重事宜共平章唐隆元年六月劉 射豆盧欽望加平章軍國重事景雲三年七月實懷貞 雜不等故立此號與之同等也勘至二十三年七 門下正三品官而今同者以本官品甲恐位及望 割 雜氏駁曰同中書門下三品是李動除太子詹事 月遷開府儀同三司八月又改尚書左僕射並同 有此號原夫立號之意以侍中中書令是中書 卷五十一

每月三度入朝便至中書商量軍國事務亦其延英段 タノ・こう ラーショラ 元和二年正月司徒平章事杜佑告老詔起之令以後 大乘也 尚書門下三品且開府是從一品僕射是從二品 可上企三公也可以為證矣永隆二年閏七月崔 又令同者豈不與立號之意非乎謹按後漢殤帝 以鄧陽為車騎將軍儀同三司觀其創置之意亦 温薛元超除中書令並云同中書門下三品又 唐會要 四.

多定 貞觀六年二月二十日御史大夫杜淹奏諸司文卷恐 官 内 而又惜之故有是韶以示優麗 稽失請令御史就諸司 煎封如故度煎望特高以疾在假淹時上将去相印 司徒平章軍國事待疾損日每三日一度入中 沃朕虚心 和四年五月制以 識量上 司空兼門下侍郎同平章事裴度 檢校上問尚書右僕 以射封德

匹庫全書

业 **暴曰此事何如德異曰分理庶務各有司存御史見有** 銀錢帛將應諸國市馬侍中魏徵諫曰今發國使以立 先所論上曰公等各舉其事朕甚悦之 **愆達乃須弹糾若復搜案求疵則太為煩碎淹黙然而** 七年遣使詰西域立業護可汗未還又別遣使多齊金 可汗為名可汗未立便歷諸國市馬彼必謂意在市 公之理善則從之德暴所奏亦是大體臣伏詳其議更 A. J. D. Jall. A. L. L. 上謂海曰何不更執論淹曰臣荷重寄难思報國至 唐舍要 Ŧ

上 求自至上納 金月四周日書 上 身 諸蕃聞之必不重中國 不為專立可汗可汗得立則不甚懷恩不得立為深怨 一百解所任官侍中魏徵進曰仁方既是職 年蜀王妃父楊譽在省競姆為都官郎中薛仁方留 勘問未及與奪其子為千牛於殿庭陳訴云五品以 不合留身以是國親故生節目不肯斷决淹悉歲年 聞之大怒曰 其言而 知是我之親戚故作 止 但 願使彼安寧則諸國之馬不 如 此 艱難 司能為國 即令杖

家守法豈可横加嚴罰以成外戚之私乎此源 死已日年10年了 端爭起後必悔之將無所及自古能禁斷此事唯陛下 少府少監實德素問北門近來更有何營造德素以聞 **隄防臣竊思度未見其可上曰誠如公言向者實不思** 上乃謂玄齡等曰卿但知南衙事我北門小小營造 十五年太子少師房玄齡尚書右僕射髙士廉於路逢 人先情不虞國家之常道豈可以水未横流欲自毀 唐魯要 開連 何

東宫黃門侍郎祭綜朝政褚遂良諫曰臣聞文王問安三 二十年太宗於寢殿側置一室令太子居之絕不今往 妨君事玄齡等拜謝特進魏徵進曰臣不解陛下責亦 不識所守但知拜謝臣亦不解上深然之 目有所營造何容不知責其訪問官司臣所未解且所 不解玄齡士廉拜謝玄齡等既任大臣即陛下股脏耳 不是雖營造當奏罷之此君使臣臣事君之道玄齡等 有利害役功有多少陛下所為若是當助陛下所為

當春誦夏紅親近師傅體人間之底事識君臣之大道 文之日本人生 華事須階漸但計旬日半遣還宫專學藝以潤身布芳 無暢經籍之談蔑如伏願遠覽殷周近遵漢魏不可頓 慈心減兹私愛欲使成立凡人尚循如此况君之世子乎自 男子十年出就外傳出就於外學書計也然則古之達者宣無 至必退漢儲侍膳五日乃來前賢作法規模弘遠禮曰 而教成之道實深乘闕不離膝下常居宫內保傅之説 况新樹太子莫不欣然既云廢昏立明須稱天下瞻望 唐倉要

聲於天下則微臣雖死猶曰生年上從之 總章元年十月七日東天竺烏茶國長年婆羅門盧伽 之竟無異效大漸之際名醫莫知所為議者欲歸罪於 神樂神僧既有異術徵求靈草秘石歷年而成先帝服 先帝令婆羅門僧那羅通娑寐依其本國優方合長生 逸多受詔合金丹上將餌之東臺侍郎郝處俊諫曰脩 前方將申大戮又恐取笑中外法遂不行龜鑑若是 短有天命未聞萬乘之主輕服養服之藥昔貞觀末年

儀鳳元年四月上以風疹欲下記令天后攝理國政與 陛下深察上納之遂不服其藥 次足四年全事! 許皇后臨朝所以追鑒成敗杜其前也况天下者高祖 見於天下則禍成於人昔魏文帝著令雖有少主尚不 與月陽之與陰各有所主不相奪也若失其序上則謫 宰臣議之中書令郝處俊曰臣聞禮經云天子理陽道 太宗之天下陛下正合謹守宗廟傳之子孫誠不可持 理陰德外內和順國家以理然則帝之與后猶日之 唐含要

臣聞禮所示童子無証者恐其欺詐之心生也伏以 審中書侍郎李義琰曰處俊所引經典其言至忠聖慮 周 無疑則蒼生幸甚 國與人有私于后且曠古以來未有此事伏乞特垂詳 上元元年九月上御含元殿東翔屬閣觀大酺時京城 四縣及太常音樂分為東西兩朋帝令雍王賢為東朋 王春秋尚少意趣未定當須推功讓美相視如 王顯為西朋務以角勝為樂中書令都處俊進諫

難為禁止恐為交爭勝員議請失禮非所以導仁義示 臨 レス 和睦也高宗瞿然曰 曰 天授二年太學生王修之上表以鄉有水勞乞假還 こりえいこう 臣聞君人者當深視高居難續塞耳唯生殺之柄 假人至於簿書期會之間則有司存之而已故左右 曰情有所切特宜許之地官侍郎狄仁傑跪而言 用號相誇競且你優小人言辞無度酣樂之 卿之遠識 唐會要 非聚人所及也遂命上

多定匹庫全書 死已下不勾左右丞相流已上方判以其漸貴所致况 天子乎且學生假盖一及簿事耳若特降一 聞善 弘慈不欲遠願請降明制以諭之上曰微卿之言何以 相尋胃子三千凡須幾物為思不普聚怨方深若聖旨 一如意元年七月洛陽人王慶之上表請立武承嗣為皇 太子則天命內史李昭徳詰問昭徳遂杖殺之因密奏 曰承嗣陛下之姪又為親王不宜處機衙以感衆庶且 勃則效者

續莫重馬陛下承天皇顧託而有天下岩立承嗣臣恐 之道布在方册豈有好為天子而為阿姑立廟者乎皇 聖悉二年九月則天內出梨花一枝示宰臣曰是何 臣備位宰相有大事即奏人問碎務不敢以煩聖覽 嗣陛下子也陛下正合傳之子孫為萬代計天子之子 自古帝王父子之間猶有篡奪况姑姪乎臣又聞文武 神功元年則天嘗詔天官侍郎陸元方問以外事對曰 天皇不血食矣則天寤之乃止

九八日豆 八万

唐會要

等亦為宰臣助天理物理而不和臣之罪也於是再拜謝 生此花賣陰陽也臣恐陛下布教施令有虧禮典又臣 行傳陰陽不相奪偷賣之即為灾春秋云冬無愆陽 及行普無以過也鳳閣侍郎杜景儉獨曰謹按洪範五 也諸宰臣曰陛下德及草木故能秋木再花雖周文德 無 三年臘月張易之兄弟貴寵踰戚分懼不全請計於天 伏陰春無邊風秋無苦雨今已秋矣草木黄落而忽 則天曰卿真宰相也 四庫全書

罕有全者唯有一策尚能行之豈止全家亦當等土之 欽定四車全書 一 封耳除此之外非頑敢謀易之兄弟涕泣請之項曰天 官侍郎吉項項曰公兄弟承恩深矣非有大功於天下 屢言之則天意乃易既知 頭之謀乃詔問項頭曰 盧陵 公何不從容請相王盧陵以繼生人之望易之乃乘問 悔馬其事密至景雲中睿宗乃發明遂追贈頭為御史 下思唐德久矣主上春秋已高武氏諸王殊非所屬意 王皆陛下子高宗初託於陛下當有所主上意乃追 唐重

天之本 蜀商宋覇子等數人博於上前言解犯禮安石奏曰商 此真宰相 陸元方退而告人曰向見常公叱博徒吾等為之寒心 估贱類不合条登此筵乃顧左右逐出之時坐者失色 長安二年鸞臺侍郎常安石當於內殿賜宴張易之引 大夫制云王命中否人謀未輯首陳反正之議克創祈 四年八月則天卧疾宰相不得召見者累月及疾少問

欽定四車金書 官例許獻食名曰燒尾壞因內宴將作大匠宗晉卿謂 景龍三年九月蘊環除尚書右僕射時公卿大臣初拜 足可親侍湯藥至於宫禁事重伏顧不令異姓人 宿衛兵至有三日不得食者臣愚不稱職所以不敢燒 曰 相者主調陰陽助天理物今粒食頭貴百姓不足臣見 謂曰深領卿厚意 拜僕射竟不燒尾豈不喜耶帝黙然壞奏曰臣聞字 ,郎知政事崔玄晴奏曰皇太子相王仁明孝友 基白 へ則

行馬 尾 景雲二年二月睿宗謂侍臣曰有術士言五日內有急 祭謀輔政中書令宗楚客謂常温 曰今既請皇太后臨 地甚難為儀注理全不可曉獨正色拒之謂曰遗制是 朝宜停相王輔政且皇太后於相王居嫂叔不通問之 至四年中宗遺制常庶人輔少主 官卿等為朕備之中書侍郎張說進曰此是讓人 意若改何名遺制楚客大怒竟削相王輔政而宣 知政事安國相王

屯 望絕姚元之日如說之言社稷之計上大悦是日下 飲定四庫全書 東宫卿可察也安石對曰陛下何得亡國之言此必太 詭計搖動東宮陛下若使太子監國則君臣分定窺察 平之計太子有大功於社稷仁明孝友天下所稱願陛 開元五年令中書門下為皇太子制名及封邑並公主 下無信讒言以致惑也容宗瞿然曰朕知之矣卿勿言 太子監國其月上召中書令章安石謂曰聞朝廷傾心 巷 五十一 制

等邑號又令别進一佳名者侍中宋璟中書侍郎蘓題 秦曰七子均養百王至仁今若同等别封或緣母龍子 張九龄見之謂侍中裴光庭曰亂幽州者必此人也及 久長之計臣等今並同進更不别封上彰覆載無偏之 慎夫人之席文帝竟納之慎夫人亦不以為嫌美其得 愛骨內之際人所難言天地之中典有常度甘袁盎降 一稱嘆外之 年范陽節度使張守珪使安禄山奏事中書令

飲定四庫全書 贈 執請誅之上曰卿豈以王夷甫識石勒便臆斷禄山難 大歷十四年閏五月中書侍郎平章事崔祐甫以尚父 酹之至建中元年十 禄山為平盧將軍失利守珪奏請斬之九龄批曰穰直 司 軍必誅莊賈孫武行令亦斬官嬪守珪軍令若行禄 耶玄宗至蜀追恨不從九齡之言遣中使至曲江祭 不宜免死上惜其勇銳但令免官使白衣展効九齡 徒 一月五日上以九齡先覩未前 唐會要 杏

者服馬 掌禁軍十餘年權傾中外上初即位欲以白琇珪代之 子儀年老久掌兵權其下神將皆已崇貴慮子儀一旦 懼其生變祐甫召駕鶴與語留連久之珍珪已赴北軍 建中二年六月宰臣崔祐甫在相位神策軍使王駕鶴 謝世而難相統攝遂罷子儀而命懷光等分統其衆論 視事矣時淄青節度使李正已畏懼上威德表請進錢 三十萬貫上欲納之復慮以他計逗遛如止之又未有

其詞顧 諫 縱 往 S 三年正月太僕 元之太平也 陰事縱下 淄青便令宣慰将士以 曰 畏服祐甫謀猷啟沃多所 又令外方知朝廷不重 伏 見 問 趙 祐 甫進 縱 御史留當千於內侍省於是宰相張鑑上 為奴所告 卵趙 日正已多譎 縱貶 循 財貨上悦從之正已大慚 F 獄人 進 弘 116 詐誠 錫資軍人且遣深行聖 司 益天下以為復貞觀 皆震懼未 馬 初 如聖 縱家奴當千 慮臣請 测 聖情 因使 派 罪 而

致定四車全書 一

唐會要

盂

觀 斬 决建中元年五月二十八日記書曰準關競律諸 頃者長安李濟得罪因 董悖壞成 風主 反畏之 豈籍其奴告也自今以後奴告主者皆不 法特須禁 二年三月太宗謂 之漸不生為國之經 决由是践不得干貴下不得凌上教化之本既正 斷假令有謀 侍 臣曰 奴萬年令崔鷗得罪因婢愚賤 百代難改欲全其體貴在防微 動遭誣告充 反者必不 باز 有 奴告其主謀逆 獨成自有他人 溢府縣不能斷 須受盡令 بالر 論 極

獄考之 謀羣城大用武臣雖見寵於當時恐息望於他日太宗 縱今又下獄設令縱實抵法所告非奴纔經數旬連 順 欽定四車全書 1 位莫高於尚父身殁未幾墳土 典尚在陛下明記行之 **塔録勲念舊或猶可容况在章程本宜宥免陛下** 主 **獄到科息縱事非叛逆** 非 法理或恐未正將 誣 以上同自首法並准決處分自此 唐會要 奴實奸凶奴在禁中縱獨 相之功莫大乎子儀人臣之 朝肯遠不與衆守於教 **僅乾两塔前以當辜** <u></u> 罪

車名位最早特建忠義請令章 奉代少将則天下的然 善懲惡未有區分陳少将將相之審最崇首貶臣節章 慈納臣愚懇於是上以縱所告雖重左貶而已當千殺 惡此奴叨居股脏職在匡弼斯是大體敢不極言伏乞聖 惡失於刑法恐頗所益悉無所傷至廣臣非私趙縱非 與元元年門下侍郎平章事蕭復充宣撫等使田與諸 之雖乃令名子儀家僮數百人以死奴示之 對記獨留奏曰陛下自還宫閱勲臣已蒙官實唯旌 五十

論 陳論上意尚爾復未敢言所陳事又曰唐虞有愈曰之 勉盧翰知復曰適來奏對亦聞斯旨然未諭聖心而 中書中使續至揖從 位 知 曰中使宣旨令與公商量朝來所奏便進擬來勿令李 逆順之理上從之復出諸相李勉盧翰劉從 朝廷每事上合與公卿同議今李勉盧翰不可在 即去之既在合同商量何獨避之此 無典但恐浸以成俗此政之樂也竟不言於從 附 唐 魯要 耳語退諸相各歸閣從 一節事且與公 同歸 詣 相

及獻上 多定 鎰 臣於李希烈鳳翔將李楚琳殺節度使張鎰以應朱 奏之上寝不悦復之言先是淮南節度使陳少将首稱 者六人私以錢數萬市玉以補壞者既與諸 貞元三年正月上命玉工為帶有 頭 判官章皐先知龍 行勸懲之命馬 四库全書 罪 即 上震怒令於京北府各决重杖處死責其欺問 指其所 補者曰此 州以 卷 五十 雕之判卒數百人拒 跨光彩 何 銹 誤墜地壞馬工 不相 類工人 鯚 相埒 批故復 洮 PP

卵 覲 正刑典遂案律文但罪先壞玉者以 重 强兼拜上委仗馬每奏事或踰日旰 所 有 救過 至中書字 7 0 1001 上虚已待之至於 餘五人並釋之以 司請存詳 獄! 不暇莫敢枝梧者混當於省中榜吏至死 讞有疑且方春 V. 7.10 相 柳 V 理况玉工之 渾執奏曰陛下若便 調兵食籠鹽鐵勾官吏贓罰鋤豪 聞 唐會要 治可其奏先韓滉自制
 極 刑 罪或未詳審只緣人命 恐傷 誤 和氣容臣條奏以 他 相充 傷乘輿器 賜死 則已今事 位 而 已公 服 西 渾 雖

年 官無量退者及渾城與吐蕃會盟於平京其日 時 多 邑主辦豈慮無能况旌善進賢事不在此其年吏曹擬 更紛擾之非賢者用心也士或千里解家以干微禄 日專立威福豈尊主早臣之道滉感悟 所引惡其專權正色謂之曰先相公狷察為相不經 戽 渾判門下省吏曰當過官渾悄然曰守職宜委有 謂宰臣曰和戎息師國之大計今日將 而罷况省體非 刑人之地 卷五十 相公奈何蹈前非行於今 魏悔為霽威馬 帥 與卿同 上 御 1. 便 司

追城 敏定四庫全書 變色曰柳渾書生未達邊事大臣智術英果亦有斯言 兵 乎渾晟咸頓首俯伏遂令歸中書其夜三更邠寧節 制 韓遊環遣使叩開於門奏云盟會不成將士覆沒 於季末今盛明之朝豈可復行吐蕃不知禮義易以 渾跪 馬髮前賀曰此之一盟國家將百年內更無蕃冠之 備 難 對曰五帝無告誓三王無盟祖是 以信結今日會約臣竊憂之李晟繼前曰臣生 知蕃人動先詐偽今日之事誠 を唐 五會十一 如 知盟祖之 柳渾所憂上

驚 利 之臺省長官皆是當朝華選孰有狗私妄舉以傷名取 親黨兼通路遺不得實才今後鄉等宜自選擇數日今 成先覺有足嗟賞自此縣 大夫中本是也陛下比擇輔相多亦出於其中今之字 則連坐舉主上許之俄旨曰外議以諸司所舉多引用 耶所謂臺省長官即僕射尚書左右丞侍郎及御史 年四月宰臣陸勢奏請臺省長官自薦屬官有曠敗 翌日臨軒慰勉渾曰卿文儒之士乃知軍戎情偽言 加 禮 異

臣 悠其或順甚上竟不行 文召直省令報直省懼入白章執証起迎就其舍語時 臥諸宰臣方會食於中書故事百僚無敢通見者王叔 疾歸第鄭珣瑜亦稱疾不起二相皆天下重望相次歸 欽定四庫全書 二十一年三月左僕射平章事贾耽以王叔文用事 擇 即 但是職名暫具固非行業頑殊豈有為長官之時 往日臺省長官也今之臺省長官即将來之宰 二属吏居宰相之位則 可擇千百具僚物議悠

豈 尼馬 與之同食佑野心知不可畏而不敢言珣瑜獨嘆曰吾 未决學臣社黃裳堅請討之以高崇文為行營節度俱 西韓全義兵敗緣當時所徵之兵各有主將又制自監 元和元年九月平西蜀初劉闢作亂上不欲用兵庫議 珍為都監數月無功黃裳奏曰往年討具少誠于 可復處此乎顧左右索馬徑歸不起叔文亦無所顧

杜

佑

高

野時停筋以待報云王 嗣使索飯索飯章相

公

交 己 四 年 全 書 覧前史見歷代帝王或怠於聽理或煩於親政至有得 素憚保義軍即度使劉雅黃裳謂曰若不盡命以劉雅 選韶出用崇文人人大驚及王師入成都擒劉闢以獻 代之由是得崇文之死力時宿將專征者甚衆自謂當 **的刻石紀功于鹿頭山下二年二月上謂宰相曰朕常** 獨任崇文必濟工從之及蜀平諸相入領上獨勞黃蒙 曰卿之功也黄裳自始經營討闢至于成功指授崇文 軍故也今日用兵與貞元時不與臣竊為陛下惜之若 唐會要

賢任之宵衣旰食以求人瘦捨已從人以務厚下固不 失其理安在杜黄裳對日帝王之務在於修已簡易擇 自省之亦下為敵國所前知不久堪魏明帝欲案尚書 自程决事見唯前代諸葛亮伯國之相耳二十罰以上 如簿書微識官吏能否本非一人之所自任也秦始皇 省疑事陳橋稱不可隋文帝日景聽政每命衛士傳養 太宗文皇帝亦笑其煩察則為人上之體固不可代 可怠肆安逸然事有綱領大小當務知其遠者大者至

金万里五人

帝舜之德曰夫何為哉恭已而已能樂十六相去四山 道患其不能推誠人臣之道患其不能自竭由是上疑 豈與勞神疲體自任耳目之主同年而語哉但人主之 飲定四車全書 四 至于理上深然其言 可且舒先請來朝鄭詔既許之即又稱疾是可否在绮 下許禮貌或虧欲求共理自然難致尚去此獎何患不 職但擇人委任責其功效賞罰苟信能不盡心傳稱 月雅西節度使李绮請朝劉上問宰臣武元衛日不 唐鲁要 重

其心 私 三年十 五年正月上謂宰臣禳灾祈福之說其事信否李藩對 為崇昭王以 臣竊觀自古聖賢皆不禱祠故楚昭王有疾上者謂 則威令從此去矣上曰然遽命追之舒果訴窮而 今陛下新臨實位天下屬耳目馬若使奸臣得遂其 上深然之 尼疾病門人子路請禱仲尼以為天道 月上問為治之要何先宰臣裴珀對日先正 河不在於楚非所獲罪孔子以為知天 楚王十 助順繁

唯求脩已以安百姓管仲云義於人者知其神盖以人 一盛德若使神明無知則安能降福必其有知則私已求 所行已既全德無愧屋漏故答子路云丘之傳久矣書 以漢文帝每有祭祀使有司敬而不祈其見超然可謂 欠日の事心島 福則禍福之來感應行事若尚為非道則何福可求是 云惠廸吉從逆凶言順道則古從逆則凶詩云自求多 優信思順自天祐之尚異於此實難致福故竟舜之務 媚之事君子尚不可悅之也况於神明子由此言之則

唐會要

為神主故但務安人而已號公求神以致危亡王恭妄 祈以速漢兵古今明誠書傳所紀伏乞陛下以漢文孔 子之意為準則百福俱臻矣上深嘉之 **唐會要卷五十**

天之四年全等 一一 道少思寡故為貴其言皆於六經符協是故歷代寶之 言為本按其文皆去華尚樸絕棄健美以執桑見素為 藩對日神仙之說出於道家熟道之所宗以玄元五千 欽定四庫全書 元和五年八月上謂宰臣曰神仙長生之說可信平 唐會要卷五十二 識量下 唐會要 王溥

之始皇進方士入海求三山靈樂逐升匿不歸漢武以 漢武帝志求長生延台方士於是有盧生韓生少君樂 之徒假託里賢之言為怪滴之論未流漸廣及秦始皇 女妻方士樂大後亦無驗樂大竟坐腰斬此則前代帝 以為理國理心之要未曾有神仙不免之就後代虚談 自天竺至中國自言能治長生之樂文皇帝頗信待之 皇感於虚說者若在前史其事甚明貞觀本年有西僧 大之類信其欺詐以為禱祠神仙可求不免二主将信

135日かんで

保至正天下幸甚 葵斤遠方士則百福自生坐殊水年伏願詳考古今以 君人者據宇宙之廣撫億兆之家但當嚴恭夙夜務為 為至誠古人云服食求神仙多為樂所誤誠哉是言也 理安則四海樂推無思不服天命所佑自知延長不可 知之遂放戮此僧處為中外所笑而止載在國史實 誘惑之虚說陛下春秋鼎威方志昇平尚能深鑒流 年樂成文皇帝因試服之逐致暴疾及大漸之

新定四庫全書 豈 與奉密青四王鍔可無宰相宜即凝來藩以為不可逐 十月以前河中節度使王舒為檢校司徒充太原節度 華塗無相字後奏上德典失色曰縱不可別宜作奏 是難制者不得已而與之今王舒無大忠大熟又 得 何服别作奏權德與又續有疏曰夫平章事非序進 可以筆塗站耶藩曰勢迫矣出今日便不可止日且 初鳄以錢千萬點中貴求無相位宰相李落與權德 國朝 方鎮帶相者盖有大忠大熟大歷已來又有 唇會要 卷五十二 非

姑息之時被假此名實恐不可從 前一日進文書然後付翰林草麻制又稱藩曰勢 崔氏曰此乃不諸事故者之妄得史官之謬記耳 以筆塗的矣凡欲降白麻若商量於中書門下皆 既稱奉密古宜擬來則是得擬状中陳論固不假

六年上謂宰臣曰卜益之事智者年精或中或否近日

有直鹿之名被委曲成其美豈所謂直筆哉

迫矣出今日便不可止尤為疏潤盖由史氏以藩

天命示不敢專邦有大事可疑者故先謀於鄉士庶人 風俗尤更崇尚何也宰相李絳對曰臣聞古先哲王畏 危邪謀凱安持疑唇感謂小數能決之而愚夫愚婦假 次及於卜筮俱協則行之末俗浮偽幸以徼福正行愿 七年五月上胡宰臣曰此者見柳等果言吳越去歲水 源存而不論獎斯息矣 日鬼神者故利欺訴參之見聞用以刺射小近其事 而異之近者夙俗远越成此葵俗聖古所及實粹那 卷五十二

致定四庫全書

唐白要

一致 定四車全書 正當奸佞之日近有兩華御史至江淮推衛今理當請 說也御史官罪選擇非必能覧奏報之間或容希媚此 云本道水旱福麥不登至有百姓逐食多去鄉井各請 該法招携意懼朝廷罪責尚非事實何敢上陳况天災 旱昨有御史推發至自江淮乃言不至為災人非甚困 逐不知言者之名伏皇明示典法推誠於人夫本任大 不知竟有此否李絳對曰臣昨見浙西東及淮南奏於 行年歲代有方隔授任皆朝廷信重之臣此過非虚 唐金要

首陳命於是命自今凡有被飢饉之境速蠲其財 醴 臣以事不可以小臣之言問之上曰知言是也朝廷大 其年十一月敢王稷家告事奴付京此府決一頻處好 鍔亡残之後其家進獻已多今因奴上告又命檢 内仗有發中使就東都檢責其家財軍臣裴度奏曰 疑之耶向者不思而有此問朕知言之過矣絲等精 奴告稷换其父鳄遗表隱沒所進錢物即令鞫其奴 以恤人為本的一方不稔當即日眼投濟其飢寒况

致定四車全書 代暧昧之事為誘居每飲被閱以為監戒耳崔摩對日 听委必盡心及至所行臨事無不偏黨联命學士集前 罷其使而殺其奴 任之持之以誠糾之以法則人自歸公孰敢行偽陛下 我惡之論浸潤膚受之說益以暧昧難辨也若擇賢而 無情曲直辨之至易稍懷欺詐審之實難故孔子眾好 其家事臣恐天下将即聞之必有以家為計者於是函 四年上謂字臣曰聽受之問人是難事推誠委任謂 唐會要

悦對曰兵者凶姦戰者危事理王不得己而用之公以 勝乃自危之道固可深戒上深嘉其言 道也如或肆小忿輕動衆数人結怨師出無名非难不 詳觀載籍以廣聰明實天下幸甚 討不仁義討不義先務抬懷不施掩襲古之明王之 五年十月上謂宰臣曰用兵者必有勝敗之道少請 人於水火之中故曰王者之師有征無戰此必勝之 坂不斬祀不殺属不獲二毛不犯田稼安人禁暴 ž 如

アイスフララ 能露臺又云身在弋絲足履草為集上書案以為殿惟 即 長慶元年移宗謂字臣曰前史稱文帝惜十家之産而 首成樂其生家給戶足追至武帝公私殷富用能出 言漢與承亡秦發酷之後項氏戰争之餘海內形数生 征 代威行四方錢至貫朽穀至紅腐上務侈靡貨用後 太偷也信有此乎宰臣崔益對曰良史所記必非安 力 位之後躬行儉約繼以景帝補遵此風由是海內點 弱漢文仁明之主起自代印却稼穑之艱難是以 1. 4.1-The state of the s 唐雪安 師

甚善其言 之勤出自人力用既無度何由以致富雖據武帝嗣 之銘封丞相為富人侯皆漢史明後用為事實且耕蠶 而來宰相楊嗣後對曰漢光武好以符識之書決事近 竭未年稅及舟車六畜人不聊生戶口減牛乃下哀痛 開成三年文宗御廷英謂军臣曰人傳符識之語自何 初物力阜段前代無比固當因文帝勤儉之致也上 隋文帝亦信此言自是符識日滋只如班彪王命論 **卷五十二** 位

多方四月在書

人民日日 二十 后重行刑辟輕用官爵皆自圖之計再凡用人之道歷 用人有布衣至宰相者當時還得力不楊刷後對日天 命者務伸命符理平之代只合推諸人事上又曰天后 所引盖為意以止城亂非所重也孝廷曰喪亂之時佐 之也上又問新修開元至要似置何如嗣後對曰臣首 試方見其能否當艱難之時或須拔置無事之日不如 未見陛下若欲傳之子孫請付外参詳可否玄宗好遊 且循資級古人拔卒為將非治平之時益不獲已而用 店會要

多是以四台章 從之 **政或好聲色與貞觀之政不同故取舍須當方可流傳** 會昌三年澤路節度使劉從諫平軍人以其好賴擅總留 四年文宗謂字臣曰朕在位十四年屬天下無事雖未 廷當無事之時思省闕失而補之則禍亂不作矣 四體平和之時長宜調養如時安自忽則疾患旋生朝 至理平亦少有如今日也李珏對日邦國安危如人身 後事上令宰臣議可居宰臣李德裕曰澤潞國家內地

若不加征伐何以號今四方若因循授之則藩鎮相 特河朔三鎮但得魏鎮不與積同破之必矣請遣重 自兹威令去矣上曰卿若用兵必尅否德裕曰 作鎮長慶中頗亦自專屬敬宗因循遂許從諫繼襲 身殁之後德宗尚不許繼襲令李緘護喪歸洛泊劉 欠足四事全書 獨 人傳達聖旨言澤路命帥不同河朔三鎮自艱難 同河朔前後命即皆用儒臣項者李抱真成立此軍 列聖皆許三鎮嗣襲已成故事今國家欲加兵誅 唐會要 劉稹 臣 悟 效

言立儲貳若非人主已欲臣下不敢獻言宣宗春秋萬 一貳之重因泣下宣宗威而聽之先是累朝人君不欲 內寧息臣愚所切者陛下未立東宮俾正人傳導以存儲 無瘦郭之才居襲郭之任将何以仰報今邊成粗安海 大中三年以户部侍郎魏養無平章事中謝日奏曰 其山東三州委魏鎮出兵攻之至四年果平劉稹德裕 嗣未辨養作相之日率先啟奏人士重之 功無太尉進封衛國公 臣

本廬江王瑗之媚太宗指示之曰廬江不道賊殺其夫 次定四事全書 一 此婦人為是耶為非耶上曰殺人而取其妻鄉乃問 貞觀元年太宗當問居與侍中王廷語時有美人侍 滑節度使朱全忠以廷範舊將吏薦用宰相裴樞以廷 範非樂卿之才不允所薦 祐元年四月和王傅張廷範善音律求為太常卿汴 納其室暴虐之甚豈有不亡乎珪曰陛下以廬江取 忠諫 唐僧要 侧

六年十二月四日上臨朝有誠懼之言中書令温彦 惡 出美人而甚重其言 聖心為是之耳若以為非所謂知惡不去也太宗雖 之言乃賢君也何至於亡父老曰郭君善善而不 回 陛下為政若貞觀之初則無憂於不理矣上日朕 惡而不能去所以亡也今此婦人尚在左右臣 郭 何耶珪曰臣聞於管仲曰齊桓公之郭問其父老 何故亡父老曰以其善善而惡惡也桓公曰若 竊 能 塘 用 不 **ソ**ス

流每国一 永微五年召長孫無忌李動于志寧褚遂良等李動稱 少三日草在皆 一 或焚之通衛而陛下好之臣實深恥之 珠玉妨農事者也錦繡纂組害女工者也一夫不耕 微多諫者頗忤以此為異耳上拊掌大笑曰良有是夫 怠乎侍中魏徵進曰陛下貞觀之初勵精思理從諫 下有受其幾一女不織天下有受其寒古人或投深谷 五年於益州造綾錦金銀等物特進魏徵諫曰金銀) 事觸類為善志懷節儉無所營求比者造作 1

立為皇后公等以為何如遂良曰皇后出自名家先 忌曰莫大之罪絕嗣為重皇后無消息昭儀有子今 之元熟有不如意使上有罪功臣之名不可遂良躬 不可又曰英公動上之所重當先言之遂良曰司空 良曰太尉上之元舅脫事有不如意使上有怒舅之名 疾不至皆曰當緣昭儀事或曰長孫太尉當先言之遂 詔若不盡其愚誠何以下見先帝及入上謂長孫 娶服事先帝無您婦德先帝疾甚執陛下手以語 1 欲 無 朝 奉 國

Ĭ

11

皇后未有經過恐不可廢臣今不敢曲從上達先帝 始也臣上件聖顏罪合萬死倘得不員先帝則甘從 事陛下倘虧人子之道自昭不善之名敗亂之端自 雙逐置易於殿階叩頭流血曰 還陛下此笏乞放歸 我好兒好新婦今將付柳陛下親承德音言猶在 擇天下今族何必要在武氏且昭儀經事先帝東所 知陛下豈可蔽天下耳目使萬代之後何以稱傳 上不悅翌日又言之遂良曰陛下必別立皇后伏請 " A Joseph A Salar 唐會要 耳 鼎 此

悖戾犯上以此責之朕豈有過耶卿言何若是之深 是陛下在藩府時先帝所娶今無怒過即便廢出四海 里上大怒命引出之侍中韓我因奏事涕泣諫日皇 日遂良竭志公家親承顧託一德無二千古凛然此 之士誰不惕然且國家累有廢立非長久之計也願 為社稷大計上不納及褚遂良敗官張復上疏 曰逐良可謂社稷忠臣昔微子去之而殷國以亡 臣言陛下自知之矣無聞罪狀斥去朝廷上曰遂良 理 陛 后 不

Ē

五十二

贖聖世如今不法後嗣何親伏惟陛下詳之無為後 市 王者立后作配天地比德日月若日月並明則 車救以往過不納表請歸田里不許張又上疏曰 周 欽定四庫全書 華不死而綱紀不亂國之欲謝善人其衰伏願違彼覆 若日月海蝕則天地昏矣且匹夫匹婦尚相簡擇 褒如減之每覽前古未當不報卷太息不謂今日 子乎夫皇后母儀家國善惡之由故嫔母 妲已傾覆於殷王前載之事殷鑒不遠詩云赫赫宗 色五十二 唐一會要 輔 佐於 鸠、 臨 臣 黄 塵 間 四

蒙祚漢孝成任心從欲以婢為后逐使皇統中絕社 合乾坤之道象二儀敷育之義主承宗廟母臨天下 書侍郎來濟又密表諫曰臣聞王者之立后也将以 失望之後有荆棘生於關庭宗廟不血食期有日矣 不用子胥之言子胥云臣見麋鹿遊於姑蘇臣恐海 所笑若使殺身以益國家直臨之戮臣之分也昔具王 后土執饋皇姑必擇禮教名家與問淑令副四海之 稱神祇之意自古周文造周如氏與關睢之化百 匹 内

欽定四庫全書 其徭役人自安之近者為山東役丁年别有數萬人 奪農時人即有食夏不奪醬工人即足衣由此言之 論之中書今來濟對曰臣間齊桓公出遊見一飢寒老 深以為難稽古先王應有其要公等宜思此術為我 命食之老人曰請食天下食公遗之衣老人曰請遺 慶元年四月二十五日上謂侍臣曰馭下之道前 下衣桓公曰府庫有限安能周及老人曰不 傾 有周之崇既如彼大漢之禍又如此惟陛下詳 卷五十二 然春 將

睢 虞道與任拟歸而周宗盛桀奔南巢禍階妹喜魯桓 外無别徭役足為穩 望長久法依舊役丁為便凡所施令貴在長行今正 為 龍元年二月侍中桓彦範上疏曰昔孔子論詩以 煩擾欲取其庸直在京催人充役復恐非宜臣等商 上得聞政事臣愚歷選列辟詳求往代帝皇有與婦 媛, 始言后妃者人倫之本理亂之端也故皇英降 伏見陛下每臨朝聽政皇后必施惟慢坐 便 關 而

開撓亂國政陛下微行數幸其私第上下媒贖有虧尊 違天也以婦凌夫違人也違天不祥違人不義由是古 飲定四庫全書 一 道路籍籍皆云西僧惠範嬌託佛教龍感后妃出入禁 人謀及政事者莫不破國亡身傾輪繼路且以陰乘 外朝專在中宫幸修隆教則坤儀式因鼎命惟永又 譬以北雞之晨惟家之索易曰無攸遂在中饋言婦 不可参預國政伏願陛下覧古人之言察古人之意 社稷為重下以養生為念宜令皇后無往正殿干 唐會要 1

景雲元年六月睿宗初即位與侍臣議立皇太子中書 疑實賴天聰早加裁貶上不 子曰執左道以亂政者殺假思神以疑衆者殺今惠範 之危救君親之難論功則莫大語德則最賢臣又聞宋 舍人參知幾務劉此求進曰臣聞除天下之禍者享天 罪甚於此也若不急誅必生變亂除惡務本去邪 又聞與化致理必由進善康國寧人莫大弃惡故孔 之福拯天下之危者受天下之安伏以平王除社 納 勿

豈能無罪陛下若不出伯獻臣即不敢奉部流美王上 美王上不許休固爭曰美王微細尚猶不容怕獻巨 所在貪冒第宅與馬僧擬過甚臣請先出伯獻而後罪 開元二十つ 王已下以平王有大功成懷推讓上意乃定 以其言切追竟從之宋璟聞之曰不謂韓休乃能如此 大而取小也臣竊見金吾大將軍程伯獻特怙思罪 門侍郎韓休進諫日今朝廷有大好尚不能去豈得 年萬年縣尉李美王得罪上令流於領外

欽定四東全書 一

唐會要

盐

儲蓄萬計逐今刑部員外郎張利貞覆之有實上脫将 三十四年在希逸代牛仙客為河西節度奉河西軍 是仁者之勇也 封九龄日邊将積穀帛繕兵器益将帥之常耳陛下當 非 與之尚書中書今張九齡諫曰不可尚書古之納言若 之金帛則可必不可裂地而封上怒曰卿以仙客寒士 歷践內外清貴之地妙選有德者不得充之仙客 使典耳核升清流齒班常伯此官邪也又将與之 河

元和六年上謂宰臣曰大凡行事恒患不通於理已然 士羞與絲灌齊列陛下必大用仙客臣亦恥之 以文學用臣仙客起自胥吏目不知書韓信淮陰 差聖哲之所不免故天子致羣臣以匡其失故主心治 之失追悔誠難古人處此復有道否李絲對曰行事過 則諫以正之故上下同體猶手足之於心膂交相 於中臣論正於外制理於未亂銷患於未萌主或有過 嫌之耶卿豈有門籍九齡頓首謝曰臣荒取賤類陛下 欽定四庫全書 一 唐會要 夫 為用 壮

蔽古人贵改過不各從善如流良為此也臣等備位 獲皆厚禮迎楊恣其所便止含弱即百姓畏之如絕盜 九年十二月釋下却今素家之罪初每歲冬以應大出 失為慮也 近畿習狩謂之外按使領徒数百革恃恩恣横郡邑懼 捏用柳等所欲其直言各宜盡心以医不逮無以該 發明但陛下不廢獨言則端士賢臣必當自效上曰 致康寧此亦常理非難遵之事但於得該失常情

擾人但據文供饋使者歸乃語家有慢言上大怒將以 如聖古但以裴寰為令長憂惜陛下百姓如此豈可罪 卿言罪則當决坊 不敬論宰相武元衡等於延英教理之上怒不改及出 每弱旬日方更其所至是行恐下邽寰為令嫉其强暴 欽定四庫全書 上怒稍解初令書哥翌日釋 可論度唯唯而入抗陳其事謂寰無罪上愈怒曰 御史中丞裴度入元衙等謂曰裴寰事上意不開 小使如小使無罪則當决案度曰誠 E 白 子三 艾 一如 恐

張涉私家簿記有姓名者雖已償記悉囚捕重令償之 有貴人張涉員五坊息利錢徵理經時不獲朝汶遂取 逸歸私第俄釋不問其年十月杖殺五方使楊朝汶初 產修造上怒奉國華漏洩令奉國致仕斥李文悅深希 陛下有將作內作營構之役有司具存豈可使功臣破 出家財以助軍使張奉國白於執政裴度從容上言曰 廣制度詔六軍使納修麟德殿之名廓公費不足至有 十三年二月上以淮蔡既平將欲內宴因是稍恢宫觀

之状宰臣裴度崔羣因對又極言之上日且欲與卿等 臺皆為追捕又於涉家得盧戴初員錢文記云是盧大 天書跡逐追故東川節度使盧坦家僮促期使納坦男 夏員涉錢互相牵引緊囚至數十百人中書門下御史 其間或不伏者即列諸持極之具於庭平人恐懼逐稱 歌定四軍全書 一 可得矣於是御史中丞蕭俛泊諫官累上疏陳其暴蠹 不敢理盡以償託徵其手記乃鄭滑節度使盧厚筆 **屋字載初既而坦男理其事五坊使日此錢已上進不** 唐會要

坊使追捕平人大事也兵事不理只憂山東五坊使横 者其年十二月上當與宰臣議及人臣事主當力行善 暴恐亂華數上初不悦及對罷乃大悟召五坊使數人 事自致公望何乃好樹朋黨朕甚惡之裴度對曰臣聞 商量東軍此小事我自處置裴度進曰用兵小事也五 為徒則是同心同德小人為徒則是朋黨此事外甚相 智者為爾使吾羞見宰臣遂杖殺之即日原免坐擊 以類聚物以羣分故君子小人未有無徒者但君子

上今日所論君子小人之事可謂誠言是則聖旨以為 為臣事君之道上往復詰問既盡理之後則曰凡好事 自區别矣他日宰臣或以當今利病欲有所聲改及陳 難辨則難矣但陛下以為辨之難則君子小人彌久當 他人有言亦與卿等相似豈易辨之度等退相謂曰聖 陳說而已军臣起而對曰書曰非知之艱行之惟艱 钦定四車全書 說則易躬行則難卿等既為朕言之當須行之勿空 中實相遠在聖主觀其所行事以辨之耳上良久曰 唐會要 坠

無言之在行之耳 道德蘇頭張嘉貞李元紅杜選韓休張九齡皆孜孜守 位之初知人 銳意求理至十五六年則稍懈至開元末又似不及中 十四年九月上謂宰臣曰朕讀玄宗實錄見開元之初 以天下之人從陛下所行不從陛下所言臣亦願陛 其故何也崔羣對曰玄宗生長人間身經屯難 今日處分可為至言臣等敢不策屬以副天心然亦 人疾苦躬恤庶政有姚崇宋璟盧懷慎輔 故即 火人

位者故羣以是諷馬長慶元年八月上謂宰臣曰國家 小人宇文融以聚飲媚上心李林甫以奸邪惑上志而 末為戒是乃社殺無疆之福也時有以該刻欺嚴在 欽定四庫全書 歷年最久何以致之也崔植對 日前代創業之君多起 及至開元累有內難立宗臨御與復不易而聲明最盛 正以故稱理其後承平日久安於逸樂漸遠正士而近 貞觀中致理界平盖太宗文皇帝躬行至德以啟王業 任楊國忠故及於亂今陛下以開元初為法以天寶 基唐 五十二 主 相

自民間知百姓之疾苦初承不業皆能屬精太宗又特 不理立宗守文繼體曾經天后朝危懼久遭艱危開元 房玄齡杜如晦魏徵王珪之比為輔佐動皆直言事無 東上聖之資同符免舜是以貞觀一朝四海學泰又有 以獻玄宗置之內殿出入觀省常記在心故任賢戒然 初得宋璟姚崇委之為政此二人皆上材公直動每推 公又每進忠言致君於道璟曾自寫尚書無逐篇為 孜孜開元末因無逸圖壞始以山水圖代之自後 圖

古 弘多伏願陛下以無逸為元龜天下幸甚上深納其言 陳奏臣在童州即聞其說信知古人以章弦作戒其益 殿 四年五月敬宗以富有春秋吹獵之暇好治宫室當建 欽定四庫全書 德宗皇帝當問先臣開元天寶問事先臣具以此 聖帝明王率資儉德以化天下况諒陰之內豈宜 無座右箴規又奸臣用事命恩養您實兆亂的建中 顧陛下悉以見在无木及工役之費回奉陵寢上嘉 新熊遊及定徒歲事功用至廣宰臣李程諫曰自 基 五十二 别

物 咸通八年懿宗命伶官李可及為左威衛将軍中書侍 以待賢士商工雜色之流假令術瑜婚類止可厚給財 納 令文武官共六百四十三員顧謂玄齡曰朕設此官員 王府率拾遺實洵直極諫乃改光州長史伏望以两 必不可投之官秩太和中文宗欲以伶官尉遅璋為 馬 事别授可及之官疏奏不從十一年同昌公主薨懿 監修國史曹確執奏日臣覧貞觀故事太宗初官 朝 PD

宗族連引三百餘人宰相劉瞻召諫官令上疏皆無敢 言之者瞻乃自上章極言帝怒貶為康州刺史 宗尤所鍾愛以翰林醫官韓宗邵等用樂無效繁之獄 ストヨミ /..... 唐會要 Ī

多定四月全書 唐會要卷五十二 卷五十二

使人 欽定四庫全書 欠足四年全 貞觀元年三月上謂尚書右僕射封徳舜曰比來令卿 豈敢不盡心但今所見未有奇才異行上曰前代明王 舉賢才未曾有所推為天下事重宜分朕憂對曰臣愚 唐會要卷五十三 舉賢 如器不借才於異代皆取士於當時何代無賢才 唐會要 宋 王溥 撰 .

E 上聞之乃宣言於朝曰此人生時宰相皆言其清白今 卿等但能舉用得才雖是子弟及有鄉嫌不能不舉 迹古人內舉不避讎而為後代稱者以其舉得賢故也 者多稱皆宰相親故公等至公行事勿避此言便為形 今 多ラビノ 但患遺之不知耳德憂慚而退三年太宗謂幸臣曰朕 年桂州都督李引節以清慎聞身殁之後其家賣珠 既然所舉者豈得無罪必當理之不可捨也特進魏 孜孜求士欲專心正道聞有好人則抽耀驅使而議 卷五十

罪舉者臣不知所謂自聖朝以來為國盡忠清正自守 俊諫 曰陛下言此人不清未見受財之所開其賣珠將 たこりin Action | 「唐會要 終始不渝者屈突通張道源而已通子三人來選有一 聞之必生横議伏惟再思上撫掌曰造次不思遂有此 疾惡情深亦實好善未為臣竊思度未見其可恐有識 為有罪審其清者無所存問疑其濁者傍罪舉人雖云 國立功前後大蒙賞齊居官終末不言貪殘妻子鬻珠未 **疋羸馬道源兒子不能存立未見一言及至今引節為**

金少口 開 風 一級令人自舉於事何如魏徵曰知 人 等既不能知朕又不可獨識日後 語方知談不容易 十五年太宗謂宰臣曰致太平之運者惟在得賢才卿 一報國之心空知自許推賢之志終未克申臣自染疾 上深然之 既以為難自知誠亦不易且於能伐善恐長遠競之 元四年黃門監盧懷慎上疏曰臣侍罪樞索頗積年 È と言い 八者智自知者明 日無得人之理今 妇

直執心貞固文學可以經務試界可以佐時動惟直道 大正の時点はか 時重器聖世良臣比經任使有愆然所坐者小所葉者 請不尚合聞諸朝野之說實為社稷之臣衢州刺史李 上聞其鳴也哀乞垂聖察竊見廣州都督宋璟立性公 上竭誠實盡大臣之節豫州刺史盧從愿清正謹慎理 朝 **疢轉益危頓雖凫雁之雅未為乏少而犬馬之志終莫** 周家始然若一朝野共知簡要之才不可多得並 隱操履堅正才識通瞻守文奉法頗懷鐵石之心事 密會要

大所累者輕所貶者遠日月雖近禮責傷深望垂於 大者出元載小者出情祭四方齊金帛者相屬於路 公道監塞官由賄成中書主事卓倩李榮輩用事官爵 大思十四年閏五月以河南少尹崔祐甫代常家為門 下侍郎平章事先是永泰之後四方既定而元載東政 闖 加追用臣順目不選厚思未報點殯之義敢不底幾 郢之言思有聞薦謹令外生監察御史鄭齊嬰奉表 録 綱

金万里屋

卷,

紀大壞及載敗後楊館尋卒常家當國杜絕其門四方 奏請莫有過者雖權與匹夫等非詞賦登科者莫得進 欽定四庫全書 若平生未相識何由知其言行複諺之由在此上深然 當謂曰有人謗卿所除授人多涉親故何也對曰頻奉 用賄賂雖絕無所甄異而賢愚同滯及祐南代家薦延 聖旨以所任庶官必須語其才行者臣與相識方可粗語 推舉無復凝滯作相未逾年除吏八百員多稱允當上 卷五十三 府會要

貞觀元年尚書右僕射杜如誨奏言監察御史陳師 曰陛下不以臣等不肖用為宰相祭議大政凡有奏請 太和元年文宗勤于聴政然無決對宰相章處厚論奏 然之自是宰臣敷奏人不敢横議 固宜親重實易直長厚忠事先朝陛下固宜委信上深 初蒙聴納尋乃中變若出自宸斷即示臣等不信若出 于横議臣等何名鼎司且裴度元數舊德歷輔四朝陛 委任

上狀論事兼言人之思慮有限一人不可總知數職以 欽定四庫全書 此於是流師合於嶺外 海非為熟舊以其有才故也此人妄事毀謗上欲離問 論臣等太宗謂戴胄曰朕以至公理天下今用方懿 必問諸军臣曰與文难議未奏云未者則遣共籌之奏 上元二年張文璀加侍中或時在家朝廷每有大事上 我君臣昔蜀後主昏弱春文宣狂悖然國稱理者以能 任諸葛亮楊遵彦不猜之故也朕今用如誨等亦復 卷五十三 唐會要

云已議者皆即可奏 以決馬 建中元年六月中書侍郎平章事崔祐前薨初祐甫 與入中書卧而承旨或休假在私第遷除大事必客咨 中書不籍多人也 永隆二年八月高宗當謂中書全薛元超曰長得即在 **聴政之暇徧讀列聖實録貞觀開元故事疎慕不能釋** 元和三年十一月上銳于為理既相樂拍等且喜得人 疾

事人 卷當謂均等曰太宗之創業如此我讀國書始知萬倍 心垍亦孜孜奉上每思敷奏伏引太宗躬勤聽覺以諷 十年以後朝廷威柄日削方鎮權重德宗不任军臣 賀曰陛下言及於此宗社无疆之福臣等爲另不副聖 E 欠三日日白事 一 不及當先聖之代猶須宰臣與百官同心輔助豈朕今 一上嘉納之自是延英議政畫漏率下五六刻自貞元 獨能為理哉事有乖宜望卿盡力匡救垍等蹈舞進 八問細務多端臨決裴延齡等得以姦進而登台輔 唐會要

其非及永貞監國奉臣謁見宰相杜黃裳首以君臣大 屈宰相三人唯裴度獨言賊可滅上病之因使三相俱 之宰府由是咸理綱目用張馬 南出鎮垍又繼之故自臨御这于元和軍國框機盡歸 義激起上心上既開黃裳之言貸聽延納黃裳首建誅 劉闢之策又李吉南自翰林學士祭定平蜀蜀平而古 者備位而已上在潘累月言事者類以此為言上亦知 二年八月時以討元濟聚天下之兵四年矣財彈力

金以口匠人一

Caldial Mills 但 總章二年諸宰臣以政事堂供饌珍美議减其料東臺 慰使但以彰義軍節度使韓弘故未為都統而度實行 流涕曰臣誓不與此賊偕全上為之動度又言賊已困 延英對军臣將出上獨止度謂曰即必能行乎度稽首 以狀陳利害唯度獨不言利害唯請以身自督戰明日 元帥事仍以郾城為理所 以羣帥不一故未降耳上深嘉之即用度為淮西宣 崇獎 唐會要

多定四盾台書 侍郎張文瓘曰此食天子所以重機務待賢才也吾輩 若不任其職當即陳乞以避賢路不可減削公膳以邀 聖思三年四月初三日敕同中書門下平章事賜食並 亦不為多也 求名譽也國家之所以費不在於此尚有益於公道斯 開元十年八月有上書者以為國之執政同其休感若 同中書門下三品例 不稍加崇重何以責其盡心至十一月二十八 日敕

ヤアン日日 八十日 令支給 風恙所中優部令就中書攝養每引于延英殿特許扶 天寶五載六月三日敕三伏內全宰相辰時還宅 国供食實封三百户自我禮賢為百代法仍今所司即 獨以致罪平褒德賞功先王制也自今已後中書門下 侍中源乾曜中書令張嘉貞兵部尚書張說等忠誠輔 天寶十三年正月中書侍郎平章事楊紹居位旬日為 二十年十二月為室臣兼官者並兩給俸料

初諡曰文正有說改諡 太平何奪我楊綰之速也俯及大飲與卿等悲悼太常 幸臣百官就第男丧上令宣旨謂百官曰天不使朕致 書門下并百官並許迎送不須聞奏 十四年九月二十四日敕自今已後军臣出守方鎮中 驚悼久之即日下詔贈司徒發使極前冊授令及未飲 金好四月白書 之中數輩相望于路臨終中使在門以凶問馳報本上 入及館疾更上日發中使就第存問又出內醫藥 日

禮表再請上許遂减其朝謁居一歲復令入中書議政 羣臣問疾於私第 元和三年杜佑以去年春已乞致政上於舊臣極隆思 賢國政也不能辭位不宜辭禄食 建中四年正月故事每日出內厨食以賜宰相家其實 貞元十三年七月宰相盧邁請告四上表乞避位卜 厨食同列以為不可而止議者以為厚禄重賜所 可食數人常家特請罷之迄今便為故事又将固讓堂

欽定四庫全書 其年室臣楊嗣復累上表請退優部不許尋又遣內官 事復以不逮為請逐許一月三度朝謁 為近名大臣進退須擊朕心不可因僑列之一言決然 未有尚勇退之名忘君臣大義卿心以為知止朕却 弓箭庫使張克已就第宣諭曰大臣引退或以年以疾 料所司起今日支給 衡比縁疾悉仍未謝政須加優異用示思榮其本官俸 四年二月詔曰司徒兼中書令裴度盛有熟業累踐台 卷五十二

七年六月以平章事杜佑為光禄大夫守太保致仕朝 侯對卿若不至朕亦不坐及翼日惶遽朝謁上又慰安 捨朕於理未當卿更思之明日朕開延英即便須察假 長慶元年五月敕宰相裴度自今後不用早入以仗 後懇請休退遂有優賜 朔望春日遣中使就宅賜絹五百疋錢五萬貫以佑前 勉勵曰我未放卿馬得舍我其委重如此 赴中書及侯對 1:11- 1

多定四库全書 貞觀元年五月二日敕中書令侍中於朝堂受解聚庶 伯李安朝進曰臣聞聖帝明王莫不勞於求賢逸於任 乾封三年八月 高宗引侍臣責以不進 賢良司刑少常 舉子古人為美談即使卿等兒好有材亦須依例進舉 用人多作形远義避親知不能盡意甚為不取告祁 顯慶三年七月上謂字臣曰四海之廣唯在任賢卿等 巴上有陳事者悉令封上朕將親覧馬 雜録 卷五十三

在 來公卿有所薦引即遭毀謗以為朋黨沈屈者未申而 神 納 使且十室之邑必有忠信况天下至廣非無英彦但比 外使則天覺之當問仁傑曰師德賢乎對曰為相謹守 事仁傑不知師他之為也及為同列頗輕師他頻擀之 不竭忠誠此皆事由陛下非臣等所能致也上深然之 ·/· 17 /.... / 務於搜訪不思親雄唯能是用讒毀亦不能入誰敢 位者已損所以人思尚免競為緘黙若陛下虚己招 功元年納言婁師德客為狄仁傑除屬臺侍郎平章 唐含要

多好四库全書 為男光嗣由是拜地官尚書即蒞事有聲則天謂仁傑 長安二年則天令狄仁係舉賢仁係舉荆州長史張東 賢則臣不知又問師他知人乎對曰臣當同官未聞 聖思三年則天曰朕欲卿各舉尚書即一人狄 知人 既出數曰婁公盛德我為其所容莫窺其際也 日祁奚內舉果得人也 其人 人則天日朕之知卿師徳薦也亦可謂知人矣仁傑 雖老真宰相才也日久不遇若用之必盡節於 卷五十 仁傑獨 其

とこり 自一 立薦本義 五年則天當令军臣各舉為員外郎者鳳閣侍郎幸嗣 大事且其人年老惟陛下急用之 為宰相者崇乃對曰秋官侍郎張東之沉厚有謀能斷 官尚書靈武道大總管姚崇將赴鎮則天命舉內外堪 相也今為洛州司馬非用之也又遷秋官侍郎四年夏 張東之猶未用也則天曰已遷之矣對曰臣薦之請為 國家矣乃召為洛州司馬他日又求賢仁傑曰臣前言 唐會要

金与 義均 發揚豈非臣下美事且君為元首臣作股肱情同休威 請宰相陳訴太史審味道謂曰此是皇太后處分中書 重拱元年四月司門員外郎房先敏累左授衛州司 馬 大夫因謂待臣曰夫為人臣之體實須揚君之德君德 以味道善則歸已過則推君貶青州刺史加禕之太中 侍郎劉禕之謂先敏曰縁坐官列臣下奏請則天聞 言王德真奏曰昔戴至德雖有異行殊能為時所服 口唇台電 體豈間手足有疾移于腹背而得一體安乎納 卷五十三

善數 其終沒有制褒崇為臣之道豈遇斯也傳名萬代可不 其每有善事必推於君太后曰先朝母稱至徳此事建 無氏駁曰謹按房先敏通天二年三月自眉州長史 除司門員外郎歷二年四月改曹州長史比重拱元 馬恐是別人前史誤耳 太后非通天二年之事明矣先敏又不曾任衛州司 年在後十四年矣審劉二相昇出年月即同且稱皇

少是四年七書 一

唐會要

故 景龍元年中書侍郎蕭至忠上疏曰臣伏見貞觀永嶽 併求 京職俊人之士多在外官王道均平不合如此臣 官各通當家內外總麻巴上見任京官九品已上者精 相屬託虚践官樂伏望降明敕令軍臣已下及諸司長 開元九年四月侍中源乾曜上疏曰臣竊見勢要之家 力口 簡擇每家量留一兩人在京餘並改授外官庶望分 事宰相子弟多居外職近來勢要親識写有才藝通 四方共寧百姓

朝 三男俱是京官望出二人與外官以叶均平之道上從 P. C. June Laking 京北尹黎幹以承恩每出入關取百餘亦即日減損其 令郭子儀在邠寧行營間館拜相音樂減散五分之四 皇城之南池館臺樹當時第一寬即日潜遣毁拆中書 堂未數日人心自化御史中丞崔寬家富於財别墅在 十三年正月國子祭酒楊紹拜中書侍郎平章事詔出 野相賀館素以徳行顯著質性貞康車服儉樸居廟 唐 會要

多りに 桑朕是以對案報食私自貶損其供常膳有司宜省之 錢并百官月俸各請三分省 太子諸王已下食物亦各節其數於是军臣上言堂廚 建中三年正月記曰古者天子不修下人罹其禍則 四年常家為中書侍郎平章政事堂舊有後門益宰相 餘望風變奢從儉者不可勝數 府損服御太常減膳以克責狀德信不著姦臣逆命致 河之間兵革未戢郡道疲於徵斂百姓失業不得農 内

者出應之其後又請每日更東筆选以應事 貞元九年七月部宰相以自東筆決事初至徳中宰相 往來 ノハンリー・ シュー 章政事百察有司關白相讓不言於是奏議請自秉筆 选東筆處斷每十日一易及 賈耽趙憬陸對盧邁同平 過中書舍人院咨訪政事家欲自尊大乃塞其門以絕 初為尚書左丞甚有稱望時宰相竇參惡其不附己 年二月門下侍郎平章事趙憬進上審官六議憬 唐鲁要

多定四盾全書 善憬每為保護而清正守約德宗尤器重之當於延英 理道論議多正時裴延齡傾巧特承恩幸頗欲中傷良 滑海猶干大柄字臣等漢然不測逐與海押及餘慶當 獨對開陳大體以任賢尚書為本至是又上審官六議 貞元元年八月以尚書左丞鄭餘慶守本官平章事時 上甚嘉納之 加點贬德宗不從及參逐以憬與陸贄同為宰相深於

といり回 なかる 命官多輕外任選授之際意謂遠棄 藩部自然非 三載考績三考點防故得久於其事風化可成而末代 甫對曰為政所重非一端自非事舉其中固不可致於 才為露實甚由是而言觀察刺史之任為切自昔唐奏 政理然國以人為本親人之任莫先牧宰能否實繫 元和二年七月上謂宰臣曰當今之政 何者為急李吉 國復以胥吏畜之時論歸重 方岩廉察得人委之臨撫列都承式政化自宣尚或非 唐舒要

三年七月以御製前代君臣事師十四篇書於六扇屏 或未當卿等每事十論不可一二而止 差諫臣論諍往復數四况朕之寡昧涉道未明今後事 十二年上謂宰臣曰朕覧國書見文皇帝行事少有過 費財耗不供此最為弊聖慮所及實窮政本伏望慎守 雜處上既非由慎擇加以更代勿遠人無安志迎送之 金号口后人 良能以革前失則四海蒙福人無的且之心矣上深 卷五十三 納

奏至定始 省借闕官處置院臣以為事體非便令請權借外命婦 **欠三日車公司** 請就私第見客從之自德京朝百官 军臣等日每至三日雨! 風宣示宰臣李藩等表謝 三年九月军臣皇甫轉奏舊例平章事判度並中書 年宰相裴度奏羣賊未誅宜延接废士共為籌畫乃 年六月時以積雨延英不開者十五日至是上使謂 客奏故宰相不 唐倉要 一對來 敢相於過 從多令金吾 私第見賓客

金河四屋台書 太和元年五月十 南省從之 今酌量簡要並自判抽其餘尋常公事各有本判即官 案伏以臣職在中書務兼司計錢穀事重須自躬親 今依係流勾當處置臣仍請每月三度候中書事簡 院內舍十數間隔截置官典院又舊例置郎官二人 書判案人中差定并兩量抽官典七人隨官勾檢文 理在坦懷然自魏晉已降祭用霸制虚儀搜索因習 一日較元首股肱君臣象類義深 卷五十三 同 臣

皆兩省人吏自後令通事舍人雖遇假在館侯命 退牢臣復進奏事其監搜宜停 大中十二年七月除宰相夏侯孜為劍南節度時值中 元假十四日三更三點通事舍人無在館者宣令捧麻 尚存朕方推表大信置人心腹今後紫宸坐朝眾寒既 一月數江西湖南共以練資一百二十分送上都 名手力幸臣李石堅讓乞私以金吾手力引 後故 庭會要

唐會要卷五十三				\\\\\\\\\\\\\\\\\\\\\\\\\\\\\\\\\\\\\\
ユナニ			A de la companya del la companya de	
				券五十三
	· ·	7		